

起谷後集

恕谷後集序

宋明之學失古而詞章亦變韓昌黎

涯周誥殷盤詰屈聱牙易奇而法詩正而葩宋人則曰文當如菽粟布帛人人可曉遂梵語鄉談群萃經傳易不奇詩不葩文指渾深聱牙者曰不可近而古法幾亡矣恕谷李先生躬承顏習齋先生學道之傳心性則臨深履薄身世則言規行矩而通天察地荷聖苞賢劇旁九達千變億化巨人智士無以盡其端委也而文卽如之天霽日恬雷轟海嘯咳唾成風雨儵忽幻鬼神六花八陣奇正分合闢亂不亂臆至矣大興王崑繩曰恕谷之註經超軼漢宋連篇片語皆古文也河南李主事汝懋曰吾遍閱聞人集錢

牧齋吳梅村猶是宋明遺習汪茗文弱侯朝宗亦涉摩擬
方靈臯練或傷氣王崑繩主奇變而乃有唐陳若夫淵源
聖經旁羅百氏雄潔與化不名一家其恕谷後集乎知言
哉鎬從遊久頗得聞之乃檢錄傳書序記碑版諸著列爲
十卷恕谷者先生自名其里也後集者自康熙癸未以前
倣歐蘇諸大家先生俱置之而惟存其後焉者也

雍正四年丙午正陽月吉旦樊輿門人閻鎬頓首拜識

李恕谷先生遺像



此先生遊秦王孫裔所寫遠遊圖也敬摹於此時先生
有命孫裔作小照札即可爲贊已梓如谷後集

恕谷後集目錄

卷一

送黃宗夏南歸爲其尊翁六十壽序

送都憲石門吳公請假歸里序

漆天集序

劉氏家譜序

警心編序

獻陵彭太君輓詩序

楊侯初度序

贈黎生序

送張少文序

鄭太夫人壽序

贈劉生序

送惲臯聞序

卷二

孫氏詩鉢序

張老園詩集序

送古季子西歸序

贈張額門序

惲氏族譜序

賀陳睿菴鄉試副榜序

賀趙偉業中舉人序

黃氏家譜序

閭戶部詩集序

送楊賓實貴州布政序

贈衡水劉生序

贈張可玉序

贈王子宗洙之任成都令序

卷三

記杜紫峯傳青主軼事

素景園記

重修杜家莊寺記

甲午如京記事

劉氏祠堂記

重修通州學宮記

忠恕堂記

記王草堂語

記李氏翁媼已事

卷四

復王豐川書

上毛河右書

與方靈臯書

復黃宗夏書

答馮樞天書

復程啓生書

附程書

與王崑繩論易書

與朱可亭論易書

與蘭行上書

答王帶存書

卷五

與王崑繩書

與張子勵魏聚園魏膚功書

回楊慎修書

與來儼若書

上太倉相公書

與溫載澗書

復惲臯聞書

與張解元書

復惲臯聞心銘書

復惲臯聞書

給陳秉之學使書

復蔡瑞賓書

卷六

馮先生傳

馮君傳

李貽翁傳

彭山人傳

郭孝婦傳

李氏傳

魏烈婦傳

王子傳

萬季野小傳

吳姬傳

郭令小傳

郭御史傳

王孫裔小傳

馮劉二翁合傳

張太翁傳

龐魏氏傳

卷七

內丘縣教諭李君墓志銘

閻公易庵墓志銘

趙室蔣孺人墓志銘

崔君聞遠墓志銘

委攝四川縣令陳君墓志銘

劉君來獻墓志銘

田室趙氏墓志

戴氏先塋碣銘

可母岳氏墓碣銘

劉君化吾墓表

劉節婦岳氏墓表

彭蘊秀墓表

六貞居士墓表

卷八

玉峯太翁挽辭

劉君遺惠辭

挽方母吳太君辭

顯妣馬太君行述

長子習仁行狀

附哀辭

附傳

卷九

孔子贊

先孝慈像贊

與周崑來王子丕求小照札

養生論

父子有親論

論古文尚書

陳法論

見百字說

樂說

豚彘說

書明劉戶郎墓表後

書貞靖先生傳後

書韓子原道後

書方靈臯一節

題寧國府志

堅志

悼亡賦

公舉龐魏氏呈

九日鄆城聯句序

卷十

富平贈言

留別長安諸子

示素存永言

答三弟問

答長舉問

續刻卷十一

給鄭子書

復惲臯聞書

教子文

教子文

人說

擊磬

葉

啟賢

趙勾龔太安人八十壽序

孫生日記序

士喪禮就直序

詩經傳註題辭

論詩一則

邶柏舟

杖杜

皇矣六章

執競

離序

閔予小子

卷十二

春秋傳註序

元年春王正月

考仲子之宮

伐楚盟召陵

九月公至自會

宋公茲父卒

及晉處父盟

公四不視朔

鄭公子歸生弑其君

戰鞏

宋華元奔歸

作三軍

楚殺其大夫公子追舒

仲孫羯如晉

蔡陳歸國

公侵鄭

得寶玉大弓

公會齊侯于夾谷

公圍成

懿長先生謚文

方靜菴紀畧

原道

卷十三

觀察黃公傳

雙齋文集序

醒葬文集序

附劉調贊所作道傳祠記

論宋人白晝靜坐

論宋人分體用

與長舉言顧諟明命之功

與樞天論讀書

李以傳

戴景惠先生墓表

衡水杜氏世德記

李子恕谷墓志

楊公生傳

恕谷後集卷一

蠶吾

門人 馮辰

送黃宗夏南歸爲其尊翁六十壽序

黃子宗夏、依案飲人居於吳、游京師、聞予友王崑繩、稱予學、因與予交、予之學、蓋得諸顏習、先生乃舉先生之學相示、宗夏慨然曰、人不作聖、非人矣、於是悉剷後學、浮文、求禮樂、目在此倫物之實、曰有所習、時有所勘、倣予立日譜、以自考、而其學大進、予嘗以爲漢唐以上、氣運盛於此、其篤生、議論構經一世有不破天驚之勢以荷斯道之統者、堯舜禹湯、文武周公、孔子皆行禮奏樂、光華宇宙、立道垂範、以爲民極、下逮漢唐、寢微而董仲舒

賈誼、鄭康成、韓愈諸人猶傳述禮樂制度遺籍無異說。宋
明而下天地氣移而南張程後有朱晦庵陸象山王陽明
各樹門幟著書立說鼓動一世于聖經外益以無極至靜
致良知等名六七百年相從而靡不曰宗朱則曰宗王徒
與日盛汜濫于天下且夫古之所爲道禮樂文物體諸身
而措諸世爲天地建實功爲民物樹實業豈徒講之口筆
況○鬱○痛○快○買○長○沙○何○以○加○焉
之書玩弄心性含咀章句輕禮樂名物使二氏之空幻俗
學之浮靡竄入其中人材日萎氣運日消雖擱然自附于
古聖賢而一如秦門之暗移而不覺於戲此天運聖道古
今升降出入之大關也癸未宗夏將歸爲其椿堂復庵翁
稱六十之觴求言於予予告之曰天地之道極則必返實

之極必趨于虛虛之極必歸於實當其實之盛而將衰也
江○淮○迤○北○聖○賢○接○踵○而○老○聃○列○禦○寇○之○流○已○潛○毓○其○間○爲○
空○虛○之○祖○今○之○虛○學○可○謂○盛○矣○盛○極○將○衰○則○轉○而○返○之○實○
者○其○人○不○必○在○北○或○卽○在○南○今○予○之○力○學○如○此○使○歸○而○振○
作○于○南○其○明○斯○道○以○相○勉○有○成○將○天○運○聖○道○自○此○反○虛○而○
實○而○堯○舜○孔○孟○之○學○復○行○于○天○下○庶○有○望○乎○且○吾○聞○復○庵○
翁○伏○義○好○學○急○友○朋○不○避○患○難○嘗○自○屈○其○年○從○劉○繼○莊○先○
生○遊○固○非○世○之○尙○虛○學○者○所○可○比○宗○夏○淵○源○有○自○從○此○立○
德○立○功○立○言○以○不○朽○其○身○者○壽○其○親○道○孰○大○於○是○哉○

王或庵曰整議直追思孟開舉世不敢開之口道統學
術所闕非小而文字全是秦漢章法宋人烏能望見藩

垣孔子謂人文化成天下其在斯乎予近從顏習竺先生
蔣益知恕谷學之有本而恨相見之晚更以宗夏未
一領其言論風旨爲可憾也

此王崑繩先生改本也先生初學八大家崑繩過會學
言當宗秦漢章法訂此先生後謂唐宋不如秦漢秦漢
不如六經於是文法一宗聖經題曰後集

送都憲石門吳公請假歸里序

康熙四十有五年都御史石門吳公以疾乞假旋里先公卿引疾者率不許至是知公貧且誠也許之李子五月於草莽間北入京拜別國初定鼎大臣尚已二三十年來首推魏敏果公象樞敏果學宋儒自居板庸無赫赫技績顧以爲首也何哉竊聞其樂善下士海內儒流孫徵君李中孚張仲誠等雖高隱不出皆上聞數十年廟堂方面其落落如晨星以揜在國是澍濡蒼黎者如湯荆峴郭華野許西山于清端陸稼書邵子昆皆敏果所拔茅茹而彙及之者也數十年氣運謂非其所幹旋不得矣孔子稱及門曰吾得由惡言不入於耳紹也能仁商也不險而獨於

顏淵曰自吾得回而門人日益親是七十子三千人皆淵包貫之也爲王佐可矣故問邦而孔子以四代禮樂付之蕭何鄧禹李善長技能不必踰羣英而以薦賢調和諸將遂爲漢明元勲蓋自古大臣咸如此石門吳公則堦所親炙者位躋九列無負郭百畝之田嘗扈駕南巡白近侍過幾離禍九江謀移關塞外夷人請隙地樹公皆力駁之風裁侃侃然而獨折節下天下士胖軀偉幹見一材一藝輒偃僂笑語接之惟恐後聞某有道術必識其里氏不以學與能窮人尋尺兼茹而待之復稱其量人人謂厚已也丁丑年因湖州宋豫菴晤堦見關史鄒視曰治平正鵠也系敗鈔存庚辰延予榻其府語其羣從以五禮律呂九章

諸學辛巳復下榻予病公日退朝親檢理食藥月餘廼起
借徐果亭少宰爲予梓大學辦業是時冉永光賈敘修二
太史尚在館萬季堃王崑繩胡岫明亦寓都門公時聚予
五○六○人○論○學○指○曰○乾○坤○賴○此○柱○礎○也○嘗○乙○夜○爲○堦○談○寰○區○
政○事○予○因○歷○及○古○今○升○降○民○物○安○危○學○術○明○沫○之○所○以○然○
以○及○太○極○河○圖○洛○書○經○史○之○真○偽○屯○田○水○利○天○文○地○理○兵○
農○禮○樂○之○措○置○公○爲○之○躊○躇○抵○掌○而○起○獨○是○敏○果○值○勘○定○
三○藩○後○衆○政○方○需○人○以○故○薦○剡○多○起○用○今○中○外○恬○熙○朝○
無○軼○事○公○雖○仰○屋○太○息○慨○然○欲○見○一○奇○而○腹○果○進○食○無○寧○
胎○息○而○公○亦○積○勞○引○疾○以○去○我○瞻○四○方○而○廻○望○魏○闕○得○毋○
有○拳○然○弗○釋○者○乎○前○辛○巳○冬○宋○豫○菴○囑○予○曰○吳○公○吾○鄉○賢○

者也。龍亢返潛，詎善始而不善終。爲先生其辭焉。公聞之，稱是。今茲歸也，可謂進退以道矣。

張雲門曰：石門相才鈞度，文以賓主掩映淋漓，寫出如見與之促膝上下者，心注目營人文千古。

漆天集序

東鄉樂塊然自名其集曰漆天示予覽之

一、篇、其、說、漆、天、二、字、如夜深風雨

怒鬼搏人猿啼鶴唳毛髮皆豎漆天風景一何奇也雖然

日月履天而光照山河羅地而秀發人物竇正而衣冠禮

樂燦列終古常見之弗奇也一思之何以有此奇抑至矣

然則不漆之天塊然遊之又何似耶塊然曰吾更有說吾

心天也漆者毀之也嗟乎進乎技矣特一以為玄牝一以

為闇然塊然將何從

溫益修曰如披中論太元

陳子章曰文心高古

樂塊然曰塊然漆天自為至也今更得一不漆之天矣

至文之理日月經天也而其奇變乃如羅浮雙峯以風
雨爲離合烟波窅窅者

劉氏家譜序

劉子來獻丐其太翁墓表且出其所著家譜曰此小子祇承父命者也願弁一言周禮太宰以九兩繫邦國五曰宗以族得民謂天子諸侯分殊族人不得以其戚戚君乃以君弟稱別子者爲大宗以收族如周武王封周公於魯爲大宗而衛蔡曹滕諸國皆宗之滕文公公山不狃稱魯爲宗國是也魯莊公立母弟季友爲大宗當時稱季氏爲宗卿是也因之宗立而族收如三桓有季孫孟孫叔孫三族季皆得收之鄭之七穆共穆氏而罕氏駟氏國氏良氏游氏豐氏印氏七族子罕皆得收之自封建廢而爵如諸侯大夫不世傳族人得以戚次子不必貴而大宗不可立適

長或愚賤衆庶或貴智而宋儒所謂長支主族者亦不可
行故朝制亦因時而變設宗人府以司王族之昏喪服爵
擇賢尸之不別別子庶子然則紳衿者流能稽古立德奉
奉敬先收族其賢可爲宗而族亦願宗之是卽宗子也如
劉子_{、令}是已劉子之來介可仁言執禮恭言脩譜樹碑建家
祠復謀立公祠祀鼻祖以下諸族先世匆匆懼懼溢於麋
宇抵夜分無片辭違孝友仁厚者嗟乎古所謂君子長者
非耶_所平居嘗歎南人好虛大家譜追遡瓜瓞牽蔓昔賢雖
假冒不計也而北人又過弇陋先世顯績卓行不四五傳
遂恍惚不復記憶康熙間脩明史檄郡縣上前朝名臣賢
士遺蹟郡縣挂壁不力行而故家子弟亦聞其先世具功

德而茫無以應。或憚煩難而止。嗟乎。不幾以苗裔而視其
先如路人任其烟消草萎。渺無憐念哉。予觀劉子家譜三
世祖。視領鄉薦。世濟其德。至高祖。鑑以進士爲名臣。考冲
善能持家。棟臨卒諄囑其子以繼述。而劉子承之。是豈其
祖父之賢。而劉子自不能泯耶。抑有劉子之賢。而祖父乃
愈彰耶。劉子問禮甚悉。携予。魁昏祭。士相見。諸書去鈔閱。
吾知其事。四親構公祠。訂祭墓儀。置助族田。立族約。凡可
以壇先教。睦而登之。譜者其未有艾也已。

警心編序

以下看其實、至、誰、合、斷、續、處。

予自弱冠承父師志編日譜考身心得失獨不樂觀感應
篇諸書謂其言頗荒唐且以徼福之心爲善窒惡已屬私
欲也訖後誦雅詩有云豈弟君子于祿豈弟又曰求福不
回乃知福祿自天古人亦有言求者然宜以豈弟不以回
明載聖經戊寅歲予年四十寓桐鄉署冬月始立長子當
立予前數年日夜懸結不去懷見販夫傭保携孩童過瞿
然念其德行必勝我自弱冠志學廻勘惟戊寅年功頗密
聞公庭呼晷聲心若割主人來議催科刑名必語以寬大
日三復小心翼翼昭事上帝之句夜臥不莊輒悚然而歛
股嘗夢雜亂方及半遽驚曰茲不敬矣遂寤生平驕傲深

自懲遇一微蟲蠕動避而行或如廁踐一生草蹶然起當
是時微倖禍福心未嘗敢存而但覺實有神明來伺懔懔
騰那而滅其迹然以知貧賤憂戚天之貺人者不淺也今歲癸未季秋抵

京師廷尉二兄延榻其齋出其大父陸沉子翠飛巖集父
詰生公警心編再三揚摧謀開雕以問世於戲人一登貴
顯走聲勢無寧晷安有餘力念及祖父嘉言行而表而彰
之者哉廷尉可謂加人數等矣因取警心編讀之勸善誠
惡如燭照著決而事涉荒誕者率不載益知人之冀倖之
心不可有而警惕之心不可無予自返雖無惡念而粗忽
遺漏過端蝟集湯盤之銘曰日日新文王之詩曰緝熙敬
止緝續續也熙和也言心安於敬而無息也吾心敬者暫

而○或○躁○而○不○安○或○忘○而○如○遺○畫○披○是○編○丙○夜○內○省○輾○轉○而○
屏○營○若○我○嚴○父○明○師○之○來○責○也○噫○警○心○之○名○不○虛○矣○

禮山兄曰寫叅前倚衡光景如畫而文情奇奧變化極
本六經

獻陵彭太君輓詩序

從地起奇

獻邑漢獻王所居也王博古作樂記成帝時王禹獻二十

四卷劉向校書得二十三篇後又遺十二篇餘合爲一篇

入于禮記六經惟樂亡後學賴獻王此作纔得摩測乃自

息轉折

漢後數千年而獻邑文章寥寥矣明季五公王先生以五

不理陡起風雲

世相韓之感興撻伐闖寇之師及既釋兵河間太守王千

峰迎至修府志遂僑寓獻城而其昔年之涕號故宮九頓

首而坐者未嘗一飯亡也因一寫之于詩迄卒門人李興

祖梓之而獻邑乃更有五公詩集行世今其邑彭子潢性

始八題

篤孝葬母張太君哀禮有加四方知名士爭來弔輓遂哀

爲一集開雕問世丐序于予博陵顏習叅先生崛起力周

又起壁壘

孔正學據聞而是之往從遊一日見據吟詩曰今之詩非

古之詩也古詩即樂章也今流為雕蟲小技玩物喪志為

聖道之蠹自此不復專攻而何能序次輓言已思孔子訓

詩于興觀羣怨後曰邇事父遠事君詩之大旨不具于是

乎五公先生之集懷君也彭子所集之輓章念親也上追

四始而渢渢乎可被絃歌與樂記並傳不亦宜乎獻陵文

光先後輝映亦可不朽矣乃為之序

楊侯初度序

史遷傳吏以循循者壽道也。卽孔子善人爲邦百年之說也。善故循循然。庖丁之解牛。廣成之長生。孫敖國僑相人國漆園言無爲而爲天下皆循循然也。循循然則壽身矣。壽世矣。如富邑閭山楊侯。非其人歟。侯少壯出宰。未嘗事祈年也。而其治也。廼以仁壽。雖公負僮抱壽。一時壽萬世。豈繁一邑而邑民不能諉矣。今莫春之念八日。爲公攬揆辰。予不能諛。因件繫實政于後。俾邑人一讀。一上壽焉。公甫下車。忽當事採買。御麥公力。陳非舊例。且富麥。竊劣。不可以供。太厨事已。

富邑習賭。曠業耗產。公立更捕法。獲博徒枷責。令其別捕。

方釋由是轉捕治寂然無呼盧聲

邑好鬪米塩口角揮拳相加後且儻儻結黨立採花諸名
此。陀。睚。眦。則。率。衆。刃。銳。相。攻。擊。甚。至。會。集。掠。淫。婦。女。公。至。
訪。其。魁。立。寘。之。刑。又。立。法。凡。相。鬪。重。責。先。動。手。者。乃。理。曲。
直。惡。黨。解。散。

俗輕生男婦幾微飲恨輒雉經投井報縣佐貳檢驗膏肓

追呼屍親亦乘機抄略破家者相望侯出示厲禁鄉地報

卽刻親驗無傷立令掩瘞由是民安業而愚夫悍婦亦知

輕生無益也全活無數

侯敏于聽斷到任大開陳告日百餘紙不厭也昧爽坐堂

皇質鞠三餐皆于堂積年疑訟數語卽得其秘要雖受刑

者踴躍下亦歡呼曰吾君責我當半年後民寃盡洗乃禁
告許教和睦而鄰封百姓嘖嘖傳語曰富有神君或假稱
富民來告或告上憲輒跪求曰願批富邑楊公

邑賦歷年至歲底通萬餘侯至減去火耗有收書作蠶立
責枷完者賞紅酒令不完者斟而跪獻又立飛票法令里
長開花戶甲乙欠若干持付限日完糧繳票不如限者責
民不苦隸呼而違限則已名莫卸里正亦不得以代封爲
辭肥已累跡爭輸逋賦頓清
買辦令各行戶當堂投領諭曰遲與與早與用吾財一也
而先與則汝等獲利因發銀行戶爲資本取物抵銷行戶
口碑如雷

邑舊有現役四十里輪年應供張及過往雜費侯以累民將革之閩縣曰不可公費有不能去者今十年一次不甚苦若去之我侯清約固善後官不能必復歛民歛民而无當年分應者必至閩邑擾動更害矣侯籌躇再四曰姑緩之然吾不去之猶去也署中床几諸物皆自買置賓客至自供給七月部堂來祭魏文帝陵約費數百金解囊以辦不絲豪責之民也

下車接五六命案未結公再三研訊持丹筆歛歛生死兩無怨負邑風有黨張二姓結嫌一日糾衆鬪黨乘夜將雷死之侄昇張家云伊歐死鳴官雖張亦莫知黨姓之死所由來也侯至密訪死者實過嗣仵氏子因喚仵氏親族詢

之乃言死者係其黨姓叔與張毆自誤傷之因陷張飲食
之令伏署內拘黨姓造謀者鞠訊不招突出忤氏人質之
黨姓大驚莫能辯疑冤頓雪
侯知富民囂獷日刑亂國用重典不得已也然每聽訟真
情既吐卽百計爲之出脫諄切勸諭令其改化故嚴而不
刻民無怨讟

邑習學刀筆書吏往往能上下手侯選材幹用之而時體
察有奸弊立責不以恕皂蒯追捕無敢勒擾多事者一時
有民坐春風吏行冰案之誼

富邑結姻後往往婿家貧女家遂別訂侯厲禁之嘗自出
金帛令原婿當堂交拜成夫婦而去惡俗頓革

富邑鬻賣宅產膏數十年後復告補價追贖侯一概斥退
刁俗亦革

侯待紳士握手道歡脫去形跡而闢說則一無所假也觀
風課士立義學有才者拊摩務成就之如子弟然

富邑東北流曲美原一帶連山亘壤接蒲城耀州民多獷
悍前遇官呼嘗途刼遁莫誰何侯至效西人裝市快鞋布
行滕纏腿潛步出訪情僞由是民時相駭告曰我君來矣
凡燒鍋屠牛以及教唆窩賭或歛跡或竄逃市井一清
侯觀民疾苦輒憂形于色八月縣右雨雹侯聞立踏看民
跪言災狀侯爲之垂淚或曰災可伍分且僅里許侯曰一
里非民田乎五分之災非災乎爲之緩征借粟

孟秋旱侯齋戒徒跣禱城隍願降禍于身以代民災備極誠潔三日雨降

臘月中浣侯密訪美原鎮奸民楊欽之簧鼓本縣及白水蒲城等處人民散僞劄妄言已經年乃幟首佩簞領捕役會城守備率馬步突至其鄉擒欽之并黨羽數十人驗劄無劄者置之鞠供通水西謀逆有時目并扳各處官吏侯概不深究自監縲解秦省先是督撫聞報甚驚已奏聞及見督院殷公問故曰已擒來小事耳殷公色變曰謀逆小事乎侯徐曰驗其劄印或以圖章碎填此豈謀大變者耶不過愚民欺人斗粟貫錢耳誅渠釋從以聞足矣殷公色霽曰汝言是遂輕其獄已而各州縣于富民僑寓者盡解

至候。惻其失業。各予一無事文書令。回。又將未獲奸民數人。繪貌呈督撫。祭各州縣。如貌緝。非是勿問。是役也。變定于俄頃。未嘗挂一良民。化大事爲小。殷公亟稱許。賞以錦袍。令家人負。漚酪送至東郊。跪而進。及。陛見。亦力言富平僞劄事。係饑民誑食。非有他故。因薦公仁政。雄才。奏省有司第一。

邑監生張吾抱大理寺少卿張冲翼子也。卒後。惟遺一側王。氏生遺腹子。今甫五歲。僕韓忠盡瘁經紀之族人。謀吞其產。訟。忠侯廉知狀。斥退族衆。旌節婦孺。僕各一扁。族黠者。私毀曰。彼饒財。訟安得不勝乎。已而節婦家來謝。餽厚儀。皆骨董可珍者也。侯嚴却之。曰。吾旌節義。乃以利來乎。

黠者聞知大愧曰我侯不通苞苴一至于此我小人安議何忍復出口也

爲政有實事有虛神如侯之戒賭鬪勸善薄賦恤刑愛才苞苴不通實政也至其精銳果毅敏如轉環仁心仁言沁人肺腑將悍俗一旦劃然改觀怵心刮目故錢穀不費敲朴而樂輸刑名不待嚴酷而群畏且舉古人公案舊神明事輾轉相傳告播于外省都門此虛神也所謂不令而行者也

侯曰此足以爲政哉嘗理亂絲吾先解其紕纏而已非理根而疏委也富邑約千村未有籍鄉約練長或有或無吾將比黨里數鄉兵立鄉約以宣教化息訟訐立練長以聯

什伍萬統千千統百使民安俗靖富民不知蓋藏吾將布
農桑法親帥民耕作節儉富民未知禮讓吾將養老尊賢
旌孝弟節義黜異端富田無魚鱗冊可互爲奸吾將用圻
丈法令經理井然富丁役不均吾將均之富有義門孫姜
二里田硤民貧吾將相山原而教之桑蠶輕其民賦富有
流曲文冒諸渠湮塞吾將測高下量民力興挑濬制版鋪
富秀民工章句然周孔之道未講吾將延名儒傳德行道
藝諸學而承匱乏自容歲六月或不遑爲或引端未竟何
日以慰吾民哉
侯折節下天下士如王崑繩楊仁對張少文諸子皆投紵
贈縞卽不肖如騃謁選後力延至署方謀師事兄事而不

知其不可也。其虛懷樂善。蓋有本矣。侯自幼讀書慕奇節。以爲慷慨建功業。封侯廟食。非異人任。故欲堅立以無負士民者。皆一時百世之事。非一身一家之謀也。

梁質人曰。簡勁古奧。漢以前文字。至叙政蹟。獎其已能。勉其未至。我思古人實獲我心矣。

贈黎生序

已丑六月抵長安陳尙孚張潛夫蔡瑞生聞顏先生之學來問驪相得也已而寄信其友人黎生長舉自鎮原千里來予富平寓氣度端凝志向不凡樞衣趨請禮樂兵農諸學予曰善然學勿驚廣禮其務哉亦諸學之綱也因請禮予曰禮一而分有四有心禮致中齊明是也有身禮非禮勿視聽言動是也有隨時而行之禮冠昏喪祭士相見是也有待用而行之禮朝廟官府軍禡是也吾子其敬以存心飭身凡事入矩因漸而考冠昏以及致用諸禮其庶矣嗟乎聖道之沉淪也甚矣哉委棄者躡迤不顧自謂仔肩者又或以李代桃我顏先生起而指示之似道術世運有

孔○學○如○刑○肩

○況○痛○感○慨

開必先而繼起。人未小何似古云。中流失船。一壺千金。此千金之時也。而得泄泄哉。雖然。不可以無驗也。吾子果爲此學。而耳日聰。而目日明。而心思日睿。而天理日熟。而世故人情。日悉。則用力之證也。不然。則否。雖欲顓預自大。不可得已。生歸過長安。語蔡張諸子。以爲何如。

楊閭山曰。言則爲律文。乃如經。

送張少文北上序

公孫僑曰他日見然明之面茲見其心矣予于張子少文亦云今天下學術蔑略其爲高視濶步授天論性與夫蓄芸擗管咬文嚼字皆黠綴太平之觀也無與成務濟變姑置勿論至于自謂有用如一技一巧老拳長箭號呼稱雄者則極其所能祇供驅使而六壬大乙諸術驚傳奇中者又特古人禁祥去疑之借具非闕實用嗟乎以好勇疾貧之心聽荒誕无物之言予且惧生民之塗炭也吾儒正塗有_{江○河○日○月○}二一日儲學一日練材何謂儲學禮樂兵農是也何謂練材運此禮樂兵農者是也張子諸父與予游已耳其顙異數年前晤于京邸備之今過富平署促膝狹旬乃罄底

裏雖于禮樂兵農自謙未遑然何學淺深誰氏能否皆涉
其機而入其奧非素无考索者而于觀天察地衡物度情
世故之曲折待人之判度與常變經權之布置則已三折
肱三洗髓矣所謂練材善運吾未見或之先也今北上謁
選出而宰理民物其建豎尙可量乎雖然不可以不養也
塞溢言剗浮氣養如木雞而後可以任重而後可以致遠
張子將行謬請予言于是乎贈

張少文曰先生目營四海者也而于下走則腐鐵礪石
見垣一方矣

鄭太夫人六十九壽序

昔摯疇之國也。由大任陳出太姬。孟母實毓賢。敬姜咏
綠衣以合室。皆能永世延祀。令聞不忘。然德音嬪後而於
明類順止。未聞諮謀子與。歷聘齊梁。其母惟司機杼。井田
學校。勿贊一辭。敬姜不問朝事。若是者何歟。男正位於外。
女正位於內。外言不入內。內言不出。陰陽之大義則然。獨今
世形管諸志類言。其相夫課子。助之學。助之政。豈古之陰
德以從而今之陰柔有力耶。抑傳之者失真耶。吾觀鄭太
夫人而憬然矣。中丞公自院部出理兵民。以至開府吳楚。
簡易持大體。而事咄嗟立辦。廉介御下。而不刻覈爲名高。
庇人以廣廈弘襟。而捍格強禦。所謂毅然今之豪傑者。非

耶夫人佐於內意必強力有謀者而後可也乃聞當日中

丞自公退夫人舉案齊眉不敢問政事一言中丞亦一言

不及及中丞盡瘁以後撫見百諸子成立惟勗之曰爾勿

廢學則外事治矣而外事亦不問榮貴且春秋高猶率婦

女紡績深宮固門沈沈肅然臧僕未嘗覲一面也一為俊

偉丈夫弘濟寰區一為婉婉順婦謹約閨內是誠不失天

地之大經者耶易曰恒其德貞詩曰豈弟君子福履縈之

又曰令妻壽母非此人歟非此人歟夫物之生也甲乎其

天乎乙萌其地乎土力於乙无成代終靡騫靡騰母德之

永年也蓋類是且見百有三弟皆藝學鄉國質有其文季

子若洲領今歲鄉薦嗣此步武前烈樹功名於千載又四

君皆蓄遠志聞習齋顏先生倡孔孟正學欣然願步趨爲之開雕遺著將傳之奕禩而下明聖道於日星也皆太夫人內教之力而年卽與俱永矣尚有涯哉今初度六十有九衆強令王公吳門人念中丞撫吳惠政登堂稱觴屬言於予故告之以此以爲世道風焉

李元英日文之樸厚前漢諸志書也以立世道之防意深矣

贈劉生序

劉翁宰字予之母黨表兄也少豪儻有智略晚而甘貧其
四子法璋從予遊今補諸生予聞之喜謂人曰諸生者士
也自此有各器焉當遴有用者與之非徒使之自免里門
干撒役而已如劉四生者可以士矣生貧而孝甘脆不以
入口急昆弟能正室以義友朋服其幹信孔子生三代之
末而歎才難况于今日如生之才亦數百里而一遴者也

商續中節

予行天下所交游且無論論密邇在門下者其一爲馮生
辰其一三弟培馮生篤志作聖敦孝友省躬改過而未通
曉世事予每懼其坎壈不合以才弗達而並累其德也三
弟敢爲喜經濟而天姿浮偏恐體未立而侈言致用行且

本末之胥顛也。今生內有摯性外解周旋可兼。二子之長而去其短能無喜乎。雖然亦有慮生氣質雖視二子無偏而志不逮夫學而不以希聖希賢卓然千古爲志雖行已無大錯迂僅僅鄉黨自好者耳。毋乃小用其才而長自負乎。且吾聞孔子曰鄉人之善者好之不善者惡之。生于人間方圓皆合則一不察而流于鄉原未可知也。將視而翁之豪直且有愧矣。生勉之哉。

張曉夫曰每晤先生規我不及讀此知古稱鑄人良然

送惲臯聞序

甲午武進惲子臯聞來蠡縣覽予大學辨業聖經學規範
是之因餉顏習齋先生四存編歛手曰然願共學將予宗
廟郊社禘嘗田賦冠昏祭士相見樂律射御以及論孟大
學中庸易經小學諸傳著俱取繙閱襲瑜指瑕臭味盎然
浹也乙未端月北上問言於予予何可以無言王崑繩者
繩天。豪傑多學自謂知兵長古文氣蓋一世乃晚年聞予言顏
先生學折節叩博陵函丈過予里流連敬孫訂省身錄自
勘清苑馮樞天從予遊遷善力行考喪祭禮甚詳然崑繩
聞道晚豪氣未除棲遲准上遂逝樞天質頗鈍尚未究成
其餘天下士一節一長或始慕悅而中輟及畔去者又無

可道也。初顏習齋每於堦出遊。輒諄屬曰：得人有人，則聖

斗。提。

響。而。起。

道有傳。嗟乎！豈漫然哉！一陰一陽之道，模諸天地而滙於

聖人。伏羲堯舜禹湯文武周公孔子孟子其選也，肖鑄陰

陽開物成務制器立言以扶持天地牖啓民生，乃孔孟沒

而二千年餘入於蚓竅，襍於鬼國，而聖人之道幾亡。習齋

起而躬肩之，大聲疾呼，塋不肖於先生四十五歲，請業頗

識其畧，重明覆譯于今年亦踰五十有六矣。崑繩樞天外

渺與共者，自念衰憊，每思顏先生之道，一旦墮地，日月翳

昏，民物慘憤，五夜輾轉，未嘗不泣下而霑衣也。今臯聞隄

然至，則先生巨人頰合，愚鄙內而省察身心外而研辨治

道，以至訂經說史，皆一一有實見實學，精力似崑繩而剗

儼○豪○睿○敏○則○邁○樞○天○過○甚○也○顏○習○齋○先○生○之○道○有○傳○矣○雖○
○似○別○到○一○丘○壑○乃○復○邁○通○前○境○
然○豈○人○之○所○能○爲○哉○天○也○臯○聞○行○矣○無○負○天○矣○

惲臯聞曰先生憂道甚切亟思得人殷勤誘接如此僕
雖不能爲役其敢自棄以負明訓謹志以佩

恕谷後集卷二

孫氏詩鉢序

顏習叅先生嘗言詩文字畫爲乾坤四蠹或者疑之曰他
無論如三百篇先王所傳孔子所刪後之吟哦者皆祖焉
可謂之蠹乎顏先生曰子不見今之爲詩文者乎梁王繹
敵兵臨城猶君臣倡和爲詩及敗降魏焚圖書十四萬卷
吳三桂畔聘一名士主軍謀則善字畫鑄圖章者也在戲
下方搦刀筆曰某畫某傳某波某法問以軍事睨而不言
絲何被擄死詩文之禍至此其極也乃今閱孫氏詩鉢而
定其說詩之爲道內出于言而外成于樂言心聲也詩者
言之有韻者也去詩是去言也長言之咏歎之而形爲舞

蹈節以金石絲竹是爲樂去詩是無樂也高陽孫文正公
以社稷大臣出爲經濟卒成忠節故其家傳著爲歌咏一
唱三歎皆有聞雞蹴足揮戈挽日之思令讀之者流連感
泣而不能已是固本于言志極于協律者矣誠可以興可
以觀矣豈以爲蠹而去之若其一萼一葉玩愒光景一羽
一毛刻鏤象態置君父遺禮樂而惟破心疲精于蟲吟蝸
迹致乾坤无一指拄之人經理之士則誠世道之蠹也而
亦詩鉢之所深斥矣詩鉢者文正公與其考功兄相酬應
而諸子繼之仲孫紫淵實纂爲集其子浩菴卽以紫淵詩
殿焉是風雅之遺也孔子所謂邇之事父遠之事君也
王漁洋曰天地入胸臆咳唾成風雷

張老園詩集序

吾○郡○張○光○祿○公○當○明○季○流○寇○直○逼○帝○京○之○變○倡○衆○守○保○定○
城○率○闔○門○闔○郡○殉○難○而○自○經○于○其○園○亭○惟○一○藐○孤○孫○崎○嶇○
幸○活○長○而○坐○臥○行○立○悲○吟○于○園○中○後○產○落○園○漸○割○食○清○苑○
令○邵○子○昆○至○憐○忠○臣○後○贖○其○所○去○園○盡○歸○之○遂○數○十○年○嘯○
歌○亭○畔○以○老○自○稱○曰○老○園○而○其○聲○韻○之○嫺○嫺○者○亦○遂○衰○然○
積○數○寸○許○灌○園○有○句○云○衡○門○自○著○一○丸○泥○區○畫○縱○橫○三○百○
畦○又○云○不○因○長○者○通○車○轍○塞○斷○蓬○門○老○歲○華○寄○王○五○公○句○
云○非○是○十○年○甘○落○魄○閉○門○或○不○負○先○生○其○掃○軌○僵○臥○蕭○然○
高○寄○之○况○可○掬○也○當○張○光○祿○殉○難○時○家○之○男○婦○或○戰○死○或○
縊○或○入○水○死○惟○其○五○弟○石○卿○先○生○之○妻○王○氏○勸○其○夫○收○孤○

息不可死而自經以從姑一門忠義奇偉有令人雪涕者。後老園能受讀石卿躬教之一日語少佻石卿正色責曰。無爾吾家子弟脫口一儼薄人必爭傳之身名俱碎矣。老園慄然骨慄以故其詩蕭散而不放孤清而不剝離人立獨而未嘗輕世絕物子夏所謂發乎情止乎禮義殆斯之謂歟。吾郡王契九詩與老園齊名契九以少陵爲宗老園則出入李杜韋孟不名一家而皆能道其性情所欲吐吾每入郡必流連二君詩而均評曰可傳在老園高躅方欲剗迹削名何意以剗膏殘馥流播人世而人故弢之天必闡之昔鄭所南自沈詩稿于井底迄明中葉井光氣燭天關之得石函盛其詩遂行世况今老園子孫連翩發越膺

民社。屢。向。予。問。序。將。梓。其。遺。集。以。垂。不。朽。天。之。欲。傳。之。蓋。可。知。矣。乃。爲。之。言。

送古季子西歸秦中序

華州古子季榮以今歲乙未二月來問道於予予衰老頓
訥無以益也然以居予至久飲食寢處與偕中間予病季
榮日侍湯餌因之心性經術以及用世之具聖學異端之
分亦遂縷縷有說季榮不以爲非將予四書傳註小學與
禮樂射御書數諸書皆鈔錄其貌虔其意勤取與廉謹衣
冠整飭立日記考課言行可謂善士矣從此志益堅學益
擴修己治人之業卓然有成蓋未可量也自宋儒以主靜
讀書立教杜門緇經閉目視內疑於緇羽而但期明理不
求辦事將經濟民物如孔孟所謂朞月三年大人事情備之
道一槩削落流至今日滋以廢詐漠視君父謂之靜存剽

竊道聽以爲撰著乾坤之禍。未知所移。吾嘗過季榮里。入
潼關而西南。面連山壁立。北黃流如長虹。中拓然周道。氣
象熊。熊。勃。勃。如。防。風。坦。胸。果。腹。兩。臂。戟。張。而。東。向。張。口。以
吸。納。天。下。者。此。中。之。鬱。積。孕。毓。必。多。豪。傑。其。人。何。疑。耶。季
榮。歸。而。倡。明。聖。道。廣。之。於。人。續。孔。孟。扶。民。物。他。日。再。晤。僕
無。以。益。子。子。必。有。以。益。僕。矣。中。秋。節。屈。季。子。謀。歸。玄。酒。酌
月。實。聞。茲。言。

王龍篆曰。遙山斷嶺。官止神行。先秦西漢而後。昌黎尙
解此意。歐蘇議論之文。則步步顧影。惟恐失之。文似綿
密而衰下矣。

贈張額門序

庚子之冬予至白下頗有來問學者而張生額門年最少
經傳樂律皆有考訊旦暮請甚勤禮恭情摯與之語若以
湯沃雪也心竊异之及辛丑端月自宛陵返周崑來爲予
言今臬司葛公以示立嗣叔母爲置筵比至問之則故人
女也公不忍納女畜之爲擇配因見委焉出尋額門語其
事曰子踰弱冠未有室令先君亦公之故人也以故人女
配故人子甚當子亦以成公之德額門瞿視曰吾黨然哀
服而議昏耶且二兄俱不在請勿言曰令兄雖出有母在
堂況喪越小祥久矣許之以待服闋合卺不亦可乎額門
曰許之卽喪昏矣必不可於戲洵若是也其大節不奪者

歟。予宗顏習竺先生明親之學時與程朱陸王固可否
或曰。今人不逮前儒多矣。先生何以言予曰。非與今人較
也。以程朱陸王皆自謂直接聖道。則學術人材世運係之
矣。故不得不舉堯舜周孔。互相比勘。庶繼往開來。無所誤
也。若與今較。鄙野勿論。卽通都名衢。冠蓋肩摩。轂擊而習
俗陵替。其日夜心力。惟食色營營。求一高望而遠志者。不
可多得。視程朱陸王。不啻雲霄而尚置短長。歟。額門雖好
學。而室家之願。人情不遠。且臬司廬故。人弱息擇賢而厚
其粧奩。以子壻禮焉。人將謂富貴不可算。慮無不投。覓恐
後者而獨懷親守禮。毫不爲動。此豈今人所有乎。喪不奪
于人。則仁。遇財色。能斷。則義。確不可拔。則勇。從此學行日

進誠可與前儒較量于虛實峻正以希賢希聖吾畏其不可量也額門勉之矣

曾谷水曰此文宛同有若孝弟章前敘額門事如其爲人也段案也後接大節美以仁義如言孝弟仁本斷也中間陡論聖道如君子務本二語橫亘於中斷岸孤峯而實首尾率然想其搦管時未嘗摩仿遂爾適肖怨谷文本六經卽此可見也

惲氏族譜序

惲子鶴生致其先世族譜而爲之辯曰寒姓明初千家姓以前不著常州武進志宋有進士惲諱文蓋著姓之鼻祖也明則科第蟬聯矣成化年間作譜乃有東漢始祖墓銘先叔祖南田嘗語鶴云未可信今考之歷世官銜地名皆舛不更則僞貌祖考更之恐滋世俗譏訕願先生賜序以啓牖焉予嘗覽南方家譜率云自中原某地遷心竊疑之豈三代前吳越土著皆歸漸滅歟抑漢唐間聞人每在燕齊雍豫遂冒附也後讀毛河右虞氏譜序云宋時尙譜族相率爲僞輯一姓所始竊剽史乘前賢黃麻紫篆玉軸而金籤加之朱呂文謝序之贊之者皆是也與謂他人父謂

他人母相去有幾。乃知南方賢者。早已耻之。今憚子亦云。明中葉士人。每增飾譜牒。遙附名賢。憚姓前無可附。輒自列官。遂一往。賢亂嗟乎。賢者之言。較如矣。卽果先世所爲。禹蓋前愆。未聞稱非。况原屬卹學。究代撰者乎。考辨核而的智也。親吾親而不忍雜以僞仁也。又何疑。自宋有道學一派。列教日存。誠明理而其流。每不誠。不明何故者。高坐而談性天。捉風捕影。纂章句語錄。而于兵農禮樂官職地。理人事沿革諸實事。槩棄擲爲麗迹。惟窮理是支離事言。理又無質據。且認理自強。遂好武斷。儒者如朱晦庵。謂秦伯不從太王翦商。見春秋傳。而傳非其文。吳幼清毀尙書古文。謂漢藝文志稱尙書經二十九篇。古經十六卷。而志

亦非其文沿述明代競作偽書魏政始石經大學子貢詩
傳申培詩說致身錄等紛出如敗衣行荆棘逐處孔漏顏
習至每歎聖道淪亡儒者惟以讀書爲學毛河右又謂世
並無讀書人蓋道學靜坐空談不屑研究今古舉子則八
比頭白困躄而頗聰明脫出者又夜郎去漢已遠易大而
足故相逐而躑躅顛蹶也惲氏舊譜亦波及使然尙何尤
哉惲子遠紹周孔正學博物力行諸役也成不惟惲氏椒
聊的的歸實而考之明行之誠修己治人胥以此也扶聖
道正人心斯其嚆矢矣故不憚疲癯而爲之序

賀陳睿菴中鄉試副榜序

陳子睿菴中康熙丁酉科順天鄉試副榜親申走賀而問
賀言于予予即以賀論前明庸經書八比取士舉之鄉會
之京師對于殿廷皆爲無用之文然束一世之富貴功名
于此一途天下靡然嚮之入彀者遂無憂貧困而亦爭自
磨礪高節矯廉以崢嶸于宦衢其賀也亦宜無何而今大
異吏道多端甲乙榜如附贅懸疣得者少自矜飾而生計
遂致蕭條以故不自愛惜多負緣請謁爲苟活計一躋仕
版上下分肥終以委頓可悼可歎而何可賀陳子天性淑
善篤孝友嘗從予問業亦欣然以聖學可學曾訂日記自
考功過今通籍而中副車吾知其必自愛惜斷不泚敝請

托與世上下也是則可賀矣。昔叔向賀人貧。柳宗元賀人失火。皆人所不賀而賀者也。今于陳子則人賀而予亦賀焉者也。但人之賀也。謂其富貴有階也。予之賀也。謂其身名可不失也。不知陳子將何賀乎哉。

劉穎生曰。通篇以賀字作章法。而纏綿感歎有餘音矣。

賀趙偉業中舉人序

安平趙君偉業聞顏習叅先生之學而悅之以丁酉七月
中浣率其子漸達攜衣過予廬問身心經史並及河洛太
極諸說剖辨黑白犁然當于其心因北上應順天秋試遂
中是科舉人十一月上旬金陵程石開年才踰弱冠寄予
書三年始達則讀顏先生年譜與四存編及予大學辨業
而深幸後儒之痼轍不迷也縷縷數千言矢以共明聖道
而其書則漸達得之他手齋至且謂其尊人里閭稱賀求
一言嗟呼顏先生斥擯岐途遠宗聖傳俗之大驚小怪固
其所也乃北方如趙君諸賢既願私淑而南中復有後進
殊尤篤信其說吾知天地神聖之有靈而周孔之道不泯

泯于世也可冀矣。今人稱中舉曰孝廉、曰登賢書、以漢舉孝廉周書行藝皆于鄉。今取士先于本省鄉士。故云然。以八比選士。誰問其孝乎、廉乎、所謂問胥書敬敏任卹族師書孝弟、姻睦有學、黨正、耆德、行道、藝者、安在乎、名存而實亡。似是而亂真。學術之錯誤。卽此不可曉然歟。趙君本劉姓。其父憐其姑家無子。命之繼少。苦寒業紡織。從師讀書。數月遂棄去。而少隙卽于僻處繙閱。尋人析賞。年二十有九。補弟子員。今躋偉科。而躬躬修謹。舌耕硯食。不妄取與一承。趙氏宗祧一則。其本生父尙無恙。四弟列膝下。時佐甘旨。孝廉賢書之稱。他人虛之。趙君不且實之也哉。自是倡明聖道。以益大其學。則可賀者多矣。

眞定黃氏家譜序

吾覽黃氏家譜而歎其孝思之不匱也。論迹慈易而孝難。語道孝純而慈駁矣。以明其然也。牧豎僮夫無不顧復子。若孫。特之。舐犢鳥之哺雛。以我之所生故。不自知不自解。而惟恐傷之。凡物盡然是易也。然其間禽犢姑息以致壞其所生者。比比也。故道多駁。孝則上返吾身之所自生。由父而祖。而遠祖。儀禮云。飛走知母而不知父。自慈鳥返哺而外。鮮有知所生而報之者。又云。野人曰。父母何算焉。都邑之士則知尊福矣。大夫及學士則知尊祖矣。是爲難矣。然小孝稱小德。大孝稱大德。孝子不匱。永錫爾類。未聞孝而猶有乖沴者也。故其道爲純。不學易乎。乾坤索而爲六。

子慈也。而所生如否。如剝。如明夷。如蠱。或以毓戾。滋爭陽。卦多陰。陰卦多陽。如蒙。師下爲坎。曰以剛中。曰剛中而應。大有。晉上爲離。曰柔得尊位。曰柔進而上行。以乾坤爲父母也。不忘本也。則其辭利以吉。非此道耶。黃君時雍康熙癸酉舉于鄉。司鐸予邑。甫下車。卽遠顧荒里。匆匆言行相顧之君子也。復見見其長君龍章捷癸巳科文闈次君昇遠捷丁酉科武闈。皆霽然質有其文。且孫枝蘭苗玉瑩謂黃君何慈以昌後如是。旣而持其所著家譜。丐序載其父武舉公祖文學公曾祖武舉公以至北遷始祖總旗公皆歷有傳述。本本水源之思。藹如也。其子姓之椒聊蕃衍洵有自哉。黃君年七十矣。尙精力教思不倦。知其益擴而大。

孝、得、天、者、未、艾、也、吾、行、以、觀、之、

劉古塘曰奇情奧義如披峭嶮異書

閩戶部詩集序

三代教士有四術曰詩書禮樂。禮樂於今蔑畧久矣。書後有廿一史通鑑其續也。而宋明史辭燕事雜通綱僅登虛言爲時文用。鮮知政事之綱領者。惟詩自騷賦漢魏樂府以及唐人律體。雖刻畫風雲月露視三百篇達政能言之道相逕庭。而其大小正變以各道其性情。則未有殊也。自明季虞山錢氏宗宋而紉唐。於是風雲月露之辭變而爲勃鴨蕨瀾漫紙上。而詩乃卑而不足道。雖然余嘗慨晚近諸學俱衰。道德衰經猷衰文章衰。惟詩猶爲健舉。其故何也。自唐以排儷爲時文明。以帖括偶比爲時文。而指倣經史散行者爲古文。而詩與古文遂爲才子文人所競上。然

明以時文取士而專用宋人註說語錄章句闕貯心胸雖勉爲古文大約不離其靡俚之時文者近是歸震川茅鹿門輩亦不能自脫也而李北地王弇州決而棄之又釘鉅秦漢詞語貌似神去詩則與時文別爲術淦攻之者相誠宋後語不以入故明代古文卑茶而北地大復之詩突過元宋而通盛唐其時畿輔近地如盧次樞王青屏頓鷗汀之儔可歌可傳者指不勝屈也逮及興朝宋人道學之猷盛極而衰伏之古文與詩浸以日上文則侯朝宗毛河右王崑繩詩則河右以及屈翁山申鳧盟戴滄洲皆崛起樹壇壁一起宋元之衰如吾邑戶部閭君公度亦其一也公度與滄洲居相近夙聞其說而延王五公先生於家日

相刮摩又博極墳典不滯宋人離下故其發爲歌咏皆有
法度非苟成者且天性近道不必斤斤聖賢成撫而恬淡
名利每篇中守拙安卑之致一倡而三歎焉其於達政能
言未知觀者若何而幾幾乎可以興觀可以群怨矣嗚呼
能無傳哉予故僭爲警校俾其諸子開雕以問世焉

李季平日如登山如觀海一洗黃茅白葦之習

送楊公賓實貴州布政序

已亥長至後。堦如保定府。適聞巡憲楊公報擢貴州布政司。謂之曰。今之政事。惟錢穀刑名二者。而藩與臬實司之。臬彰瘡善惡。民命風俗攸關。藩則但持銖兩令平耳。雖然。惟其人。今公以道平刑。而陟黔山僻荒瘠。一綫遇。迤轉之。滇、閬、山、澤、固、兵、民、非、僅、錢、穀、也。公曰。然。前巡撫劉公蔭樞招集流亡有功。莅任當諮利弊而行焉。堦辭如都。晤方子靈臬言。公在保定甚有守。州縣苞苴謝却。制臺初度屬官僉朝服進將上壽。公獨補服。衆異之。公曰。吾以爲朝服非可輕用也。衆無如何。皆改補服。歲七八月。制臺病闔。屬官及紳巾商民。建醮誦佛經。公獨否。制臺于郅東修大乘庵。

落成親詣上香演爨弄邀公往凡八往返署吏長跼從吏
公曰非公事也卒不往方子曰是足盡公乎吾嘗知公南
書房勅廷出西洋三角算問公將附周易後公曰西洋
法誠密然與三聖人易不必比附一日又以後人所繪河
圖洛書下問公閱畢奏云以臣觀之無佳處吾自觀光來
未見有挺挺如公者也因問其政績余曰堦杜門不通世
事未能知也然略聞其一二巡道司八府刑名書吏率紹
興人有事必投其門以貨輕重上下其手每獄累年不決
居停皆滿公至則試書吏不通者汰之通而素有能名者
置內署給飲食其家人水火不得通州縣案卷至書吏僅
得一籤識卽送公公曰夙興發文卷訖卽二門下鎖不會

客將案卷起訖細研然後升堂審訊豪髮無遺照乃止諸
命案盜情不逾數日卽讞決群向轅門叩觸驢呼而去吏
胥雖欲乾沒一錢不得也貪者褫蠹者竄今士民聞去行
吟坐嘆或涕洟淚下方子喟然曰天下業也如吾與子著
書立說則萬世業也堪曰唯唯否否自宋史分道學傳以
後明初定鼎惟宋景濂一人而教諸王讀書開創大畧無
一言及者其後薛文清丘瓊山身躋宰輔然薛于清介丘
于進大學衍義補外無所建監較之王三原李文達不講
道學者反遜也豈史氏遺之耶抑道學之僅可自治而不
能及人僅可著書立言而不能勒功樹業耶若是則聖經
之明德親民爲虛語矣今得我公而爲前儒一洒之是萬

世○可○傳○可○法○者○也○若○但○希○聖○賢○口○角○道○德○奚○濟○乎○奚○濟○乎○方○子○亟○起○避○席○曰○謹○聞○教○及○歸○遂○次○其○語○以○送○公○行○

贈衡水劉生序

歲之辛丑杪秋學使者陳公秉之按臨上谷傳博野儒學
教官曰曾覽顏習塗先生四存編傳道大儒也其令博蠡
二縣諸生投公呈吾將請于 朝奉顏先生祀文廟鄉賢
已而果行且而誨諸生諄諄以習塗學行爲的予憂居不
得晤也訝其何以能是及自任若自南來乃知衡水門人
劉生廷忠實發之生之師王宗洙聞學使者辯性因令生
呈顏先生存性編學使面問生存性大旨生歷歷以對若
孔孟爲之親授而與張程對難者學使大奇之後屢召見
賜之食論古今學術人物日晡乃出論每出學使外學使
屈服時生方以童子試入泮則學使喜而特拔之也於戲

亦○今○士○之○豪○傑○矣○使○遊○吾○門○者○盡○能○如○劉○生○彰○明○顏○先○生○
之○學○文○周○孔○孟○不○道○爾○稱○快○于○天○而○聖○道○朗○朗○揭○日○月○行○
哉○予○傳○習○參○學○思○與○天○下○人○共○而○不○可○多○得○長○子○習○仁○質○
直○而○通○解○每○外○無○可○告○歸○入○家○庭○輒○竊○喜○以○爲○膝○下○有○人○
與○聞○可○備○後○此○來○問○者○之○往○復○也○今○歲○八○月○條○去○予○生○理○
幾○斷○昔○孔○子○厄○于○陳○蔡○遂○疑○道○非○今○之○災○阨○甚○于○困○餓○吾○
道○非○耶○奚○爲○至○于○此○乃○劉○生○忽○發○之○學○使○者○揚○之○始○知○聖○
道○尙○在○人○心○而○主○張○其○事○者○未○必○非○也○從○此○改○過○遷○善○求○
廣○其○傳○又○軋○軋○有○生○機○焉○是○則○喪○我○者○吾○兒○習○仁○而○甦○我○
者○劉○生○廷○忠○矣○吾○此○後○之○望○劉○生○者○厚○矣○

贈張可玉序

南樂張可玉以避荒遊豫晉江北諸處爲買而不屑也折節从陳右函諸人讀書爲學已而歸北來執贄癸卯下榻予參覘之能甘貧守命不取非義嗚呼此作聖基也汨沒者無論予生平惟見顏習菴先生義命之閑不踰尺寸其他交締所稱海內殊尤者如王崑繩少以經濟古文自高不可一世談學亦睥睨宋儒方靈臯謂之曰勿遽也今突有天使來臨加寒微以卿相而漠然不爲華歸之程朱乎歸之吾子乎崑繩默然內省憚臯聞博學有聲而一聞予言習菴學遂斥去舊習力追聖道省躬崇德然言家世科第未能灑然卽靈臯翹翹乎視富貴利達如淖塗而人之

文錦膏梁無克盡脫嘗痛自刻責今可玉獨毅然以此爲
基吾喜之不寐矣雖然視以人情則鉅程以聖道則微是
特公綽之不欲耳若欲成人文以禮樂其功有可窮哉且
可玉遨遊天下世學染之者有二一習入讀書明理之說
恐以繙誦虛揣自是也一聞異端葆攝方技家言或偶爾
尙珍奇之也其悉崩之而循循然禮樂兵農子臣弟友仁
義禮智斯可以上達矣然而猶有說吾子所謂子子有守
者于冷淡時見之也彼侯門炙手獨非吾人閱歷時乎世
固有甘心寂靜而搖情喧熱者矣孟子曰富貴不淫貧賤
不移非居廣居立正位行達道之大丈夫孰歸之

贈王子宗洙之任成都令序

衡水王子宗洙得顏先生四存編及子傳注平書訂懸之
一再諮度已而過其廬質經析疑歎其不爲帖括所痼然
未得數數然觀其經濟也無何陳學使蓮宇校士王子附
麗平書條陳數款學使以爲爛經濟聞於朝以拔貢越
格授成都令于雍正二年歲暮旋里忿忿然去寄予言曰
聞教于先生者頗詳矣斷無變寒者予見之瞿然而顧愧
吾昔之語王子者實未詳也或旋乾而轉坤或權安而小
濟或詭遇以獲禽畔乎其各途也越人有爲水學者聞銀
夏之間有瀚海焉具天潢轆轤往而不施于用歸泛黃天
蕩附不得竅抵革而噓之抱以泗又不得漁者操刀往來

如○飛○噀○而○曰○噫○來○附○卽○舟○遂○置○其○夙○昔○而○從○焉○漁○人○母○乃○
詒○人○乎○王○子○語○予○曰○不○變○遙○祝○之○矣○

先生以漆園之筆寄宗洙宗洙其以庖丁之手報先生

乎望望

門人劉調贊謹識